



Broj protokola: 01-1-317/21
Sarajevo, 26.04.2021. godine

Na osnovu člana 94. stav (3) tačka a) i člana 95. stav (3) a u vezi sa članom 95. stav (5) Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19 i 34/20) i člana 10. stav (1) Pravilnika o izboru, imenovanju i razrješenju direktora osnovnih škola Kantona Sarajevo, („Službene novine Kantona Sarajevo“ broj: 2/18, 32/18 i 30/19), Školski odbor Javne ustanove Osnovne škole „Mustafa Busuladžić“ na sjednici održanoj 26. aprila 2021. godine jednoglasno donosi

O D L U K U **o imenovanju direktora JU OŠ „Mustafa Busuladžić“ Sarajevo**

Član 1.

Za direktora Javne ustanove Osnovne škole „Mustafa Busuladžić“ u Sarajevu imenuje se g-din Duran Mrnđić, profesor kulture življenja i nastavnik hemije.

Član 2.

Direktor škole imenuje se na period od 4 godine, bez mogućnosti ponovnog izbora (drugi uzastopni mandat).

Član 3.

Mandat direktora počinje teći od 17. maja 2021. godine.

Član 4.

Odluka stupa na snagu danom donošenja i ista će biti objavljena na Web stranici škole i oglasnoj ploči.

Član 5.

Odluka Školskog odbora je konačna.

O b r a z l o ž e n j e

U skladu sa zakonskim i podzakonskim propisima i Odluke Školskog odbora JU OŠ „Mustafa Busuladžić“ Sarajevo, dana 28.12.2020. godine raspisan je Javni konkurs za izbor i imenovanje direktora škole.

Na objavljeni konkurs prijave su dostavili dva kandidata: g-din Duran Mrnđić, dosadašnji direktor Škole i g-đica Alma Kulić, pedagog Škole.

Po zatvaranju Javnog konkursa, Izborna komisija za provođenje procedure koja prethodi izboru i imenovanju direktora škole, utvrdila je jedinstvenu listu kandidata, koji ispunjavaju uslove javnog konkursa sa imenima Alme Kulić i Durana Mrnđića i istu dostavila Ministarstvu, Općini, predsjedniku Vijeća roditelja i povjereniku Sindikalne podružnice na daljnje postupanje.

Načelnik Općine Novi Grad Sarajevo je aktom broj: 02/06-34-1931/21 od 22.01.2021. godine za direktora škole predložio kandidata Durana Mrnđića, a istog kandidata su po obavljenom glasanju predložili Vijeće roditelja i uposlenici Škole.

Ministarstvo za obrazovanje, nauku i mlade nije u Zakonom propisanom roku od deset dana od dana prijema prijava kandidata koji ispunjavaju uvjete za direktora škole dostavilo prijedlog kandidata za izbor direktora škole, ali je naknadno dana 02.03.2021.godine aktom broj:11/03-30-567-1/21 od 21.2.2021.godine dostavilo da u postupku izbora za direktora škole, predlaže kandidata Mrnđić Durana .

Kako Ministarstvo nije uputilo svoj prijedlog za direktora škole u Zakonom propisanom roku od deset dana ,g-din Nevres Alispahić, predsjednik Školskog odbora je glasao kao i ostala tri člana Školskog odbora, tako da je Školski odbor na sjednici održanoj 19.02.2021.godine jednoglasno izabrao g-dina Durana Mrnđića za direktora škole za naredni četverogodišnji period.

Zahtjev o prijedlogu g-dina Durana Mrnđića za direktora škole je dana 22.februara 2021.godine dostavljen Vladi Kantona Sarajevo radi davanja saglasnosti za njegovo imenovanje.

Vlada Kantona Sarajevo, u roku od 60 dana od dana dostavljanja zahtjeva nije odlučila o podnesenom zahtjevu, pa je u skladu sa članom 95. stav (5) Zakona o osnovnom odgoju i obrazovanju („Službene novine Kantona Sarajevo“ broj:23/17, 33/17, 30/19 i 34/20) i člana 10. stav (5) Pravilnika o izboru, imenovanju i razrješenju direktora osnovnih škola Kantona Sarajevo, („Službene novine Kantona Sarajevo“ broj:2/18, 32/18 i 30/19) Školski odbor na sjednici održanoj 26.04.2021.godine jednoglasno donio Odluku o imenovanju g-dina Durana Mrnđića za direktora JU OŠ „Mustafa Busuladžić“ u Sarajevu, na period od 4 godine.

Mandat direktora počinje teći od 17.05.2021.godine.

Na osnovu navedenog, rješeno je kao u dispozitivu Odluke.

PRAVNA POUKA: Učesnik konkursa koji je nezadovoljan odlukom o izboru direktora, u roku od 30 dana od dana dobijanja obavještenja o imenovanju direktora ima pravo pokrenuti radni spor pred nadležnim sudom.

Predsjednik Školskog odbora

/Nevres Alispahić, mr.sci./

Dostavljeno:

- imenovanom
- na Web stranicu škole
- na oglasnu ploču
- a/a